



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Concilium Herbipolense Svb Praesidio Ioannis Legati Sedis apostolicae in
praesentia Rudolphi imperatoris multorumque principum celebratum anno
MCCLXXXVII. tempore Honorii papae IV.

urn:nbn:de:hbz:466:1-15974

CONCILIVM HERBIPOLENSE
SVB PRÆSIDIO IOANNIS LEGATI SEDIS
apostolicae in præsentia Rudolphi imperatoris multo-
rumque principum celebratum anno MCCLXXXVII.
tempore Honorii papæ IV.

TITVL CI CAPITVLORVM.

- I. De honesta vita.
II. De vitandis tabernis ac ludis.
III. De colloquio cum monialibus, vel de inordinato joco.
IV. De hæfildio clericorum.
V. De clericis concubinariis, vel manifestis cohabitatoribus.
VI. De his qui beneficia per intrusionem arripiunt.
VII. De bina celebratione Missarum.
VIII. De portatione corporis Christi.
IX. De alienationibus rerum ecclesiasticarum.
X. De habentibus duas vicarias.
XI. De etate clericorum promovendorum.
XII. De presentatione promoti.
XIII. De obseruatione interdicti.
XIV. De beneficiorum susceptione de manu laicorum.
XV. De benedictionibus & sepulturis que fiant per pactum.
XVI. De cura capellarum.
XVII. De vicariis in ecclesiis parochialibus monasteriorum.
XVIII. De habitu & conuersatione monachorum.
XIX. De vita & habitu monialium.
XX. De occupatoribus & innasori- bus rerum ecclesiasticarum.
XXI. De laicis recipientibus beneficia ecclesiastica.
XXII. De aduocatis ecclesiistarum.
XXIII. De usurariis.
- XXIV. De lessonibus ecclesiastica- rum personarum.
XXV. De lectoribus nuntiorum sedis apostolice.
XXVI. De usurpatibus sibi bona ecclesiistarum vacantium. De hac etiam quare in 6. lib. de officio ordinarii tit. Presenti prohibemus edicto.
XXVII. De visitatione per epis- scopos facienda, & de confirma- tione.
XXVIII. De propugnaculis que fiant in ecclesiis.
XXIX. De debitis maritorum de- functorum.
XXX. De spoliatoribus stratistarum.
XXXI. De emptione seu venditio- ne bonorum feudalium ecclesie.
XXXII. De his qui capiunt bona ecclesie vel capituli propter de- bita singularis personæ.
XXXIII. De his qui inuidunt bona ecclesiistarum propter inimi- citias aduocatorum.
XXXIV. De apostolis reprobatis.
XXXV. De laicis qui fabricæ ec- clesiæ administrant.
XXXVI. De his qui prohibent ne quis coram ecclesiastico iudice conqueratur.
XXXVII. De falsariis.
XXXVIII. De obseruatione in- terdicti.
XXXIX. De conservatoribus mo- nasteriorum.

646 HONORIVS CONCILIVM RUDOLPHVS I.
P. IV. IMP.

XL. De exigentibus noua passagia. XLII. De his quibus erat indul-
XLI. De obseruatione constituto- tum quod excommunicari & in-
rum. terdici non deberent.

ANNA
CHRISTI
1387

CONSTITUTIONES IOANNIS TVSCVLANI
episcopi apostolicæ sedis legati.

P R A E F A T I O.

Ioannes diuina miseratione Tusculanus episcopus, apostolicæ sedis legatus, venerabilibus in Christo patribus universis, archiepiscopis, episcopis, & dilectis sibi in Christo clericis, abbatis, prioribus, decanis, archidiaconis, praepositis, archipresbyteris, & aliis ecclesiastarum prælatis, capitulis, conuentibus, & collegiis, Cisterciensibus, Præmonstratenibus, Cluniacensibus, sancti Benedicti, sancti Augustini, Carthusiensi, Grandimontensi, & aliorum ordinum, nec non prioribus hospitalis sancti Ioannis Hierosolymitanarum domorum, milicie templi beatæ Mariæ Teutonicorum, ceterisque personis ecclesiasticis regularibus & secularibus, exemptis & non exceptis, & per partes Alamaniæ, Bohemiæ, Daciæ, & Sveciæ regna, nec non Moraviæ, Marthiani, Poloniæ, Pomeraniæ, Prusiaæ, Cassubiaæ, & Liuoniæ ac Russiæ ducatus constitutis.

Locus corruptus. IN perpetuum Deus deorum Dominus rite ac quo-
moderamine cuncta præordinans, ab æterno inge-
tes legis voluit esse conditores, ut se homines esse cogno-
scerent, & proprium sub legis limitibus arbitrium limi-
tarent: in ceterisque propulsatis, in silentiis roborare-
tur, iustitia vigeret, æquitas & candor magis enitesce-
rent honestatis. Hæc tria, quasi conformia, & status pro-
speritatem afferentia possessoris, promptis affectanda
funt desideriis, summis exequenda vigiliis, & sollicitis stu-
diis acquirenda. Hæc apta sunt & necessaria protinus sin-
gulis maxime personis sublimibus, dignitate præcellentibus,
ac in sacris officiis constitutis. Hæc sicut affectu no-
bis anxiò appetimus, sic & ea subditis nostris libentissime
propinamus, vt per æquitatis, iustitiæ, honestatis suæ tra-
mites incidentes, adsit eis felicis status tranquillitas, & ple-
na iucunditas libertatis. Ut igitur de commisso nobis per
facrosanctam matrem Romanam ecclesiam in partibus
nostris plenæ legationis officio, & continuis nostris labo-

ANNO
CHRISTI
1287. ribus, quos libenter perferimus, & subditis nostris quietem pacis, & status commoda propinemus, fructusque percipient optatos, pro salubri statu cleri, partium, regnum, & ducatum prædictorum, in sacro Herbipolensi Concilio, affidentibus nobis venerabilibus patribus, Moguntinensi, Coloniensi, Saltzburgensti, & Viennensi, archiepiscopis, & nonnullis eorum suffraganeis, & de ipsorum ac abbatum & prælatorum præsentium * quædam constitutiones edidimus per eos in posterum inuiolabili ter obseruandas, qua a iure suadentur, æquitati deseruiunt, & continent honestatem: mandantes auctoritate qua fungimur, vt in qualibet etiam cathedrali, conuentuali, seu etiam collegiata, sub nostro sigillo penitus habeantur annuatim, prout in constitutione nostra contra usurarios actus inferius annotata expresse legitur, publicandæ. Vos itaque has constitutiones deuote suscipite, & eas tamquam amatores iustitiae inuiolabili ter obseruate.

C A P I T V L A.

I.

In nomine Domini, Amen. Ut Christi militia laudibus deputata diuinis, vita, gestu, moribus & habitu a malitia secernatur humana, cunctos archiepiscopos, episcopos, clericos, abbates, certosque inferiores ecclesiarum prælatos & personas in dignitate sacri sacerdotii constitutas, quarum cura nobis committitur, auctoritate hortamur in Domino, & paterna suadela monemus, vt pie, caste, munde, ac in splendore * vitæ viuere studeant, grauitate qua conuenit, tam in habitu, quam in moribus incidentes: & vt dignitate præcellunt, sic & vitæ præfulgeant honestate, præsenti constitutione statuimus in posterum valitura, vt archiepiscopi, episcopi, abbates in domibus eo-

648 HONORIVS P. IV. C O N C I L I V M R V D O L P H Y S I. I M P.

A V G U S T U S
C E N T U R Y
1637.

rum clausa, & non nimia longitudine vel breuitate, munda habeant indumenta.

I I.

Vsus tabernarum, præterquam in itinere constitutis, & ludos taxillorum, omnibus clericis & personis ecclesiasticis, præsertim in prælaturis & sacris ordinibus constitutis, omnino prohibemus: & qui contra fecerint, in publico, vel alibi laicis præsentibus, arbitrio ordinarii puniantur.

I I I.

Abusum quoque ac suspicionem contagii a personis ecclesiasticis, maxime in dignitatibus & sacris ordinibus constitutis, paterna diligentia præcidere diligentes, personis huiusmodi frequentationem claustrorum, seu monasteriorum monialium, ac inhonestam collocutionem, & ludum noxiū cum ipsis monialibus in cameris, vel publice, in hac edictali constitutione de cetero prohibemus: & qui contra fecerit, poena * communionis punitur per ordinarium.

I V.

Hastiludia & torneamenta clerici qui sunt in dignitatibus, personatibus, seu in sacris ordinibus constituti hoc edicto perpetuo sibi nouerint interdicta: ita quod nulla persona ecclesiastica in dignitate seu personatu, & in sacris ordinibus constituta, cum armis vel sine armis ipsa exerceat. Et si contra fecerit, anathematis vinculum eo ipso incurrat; absolutionem tum eorum episcopo metropolitano, ac aliis episcopis reseruamus.

V.

breui.
e con-
tricis &
is & fa-
emus:
i laicis

ANNO
CHRISTI
1287.

HONORIVS P. IV. HERBIPOLENSE. RYDOLPHVS I. IMP. 649

V.

Concubinarios clericos, qui retinendo publice concubinas & famam negligunt, & reuerentiam maculant clericalem, more pii patris, non personas, sed personarum vitium detestantes, eorum saluti præsentis constitutionis tenore sic duximus prouidendum. Et quod si publice retinere præsumperint concubinas, vel nouas focarias acquirere earum loco, sint ipso facto beneficiis priuati, quæ illi, ad quos collatio pertinet, conferre aliis personis idoneis teneantur.

VI.

Damnandæ ambitionis improbitas sic aliquorum animos occupat, quod in illam eos temeritatem impellit, ut quod prohibente iure nequeunt, præsummant per intrusionem arripere, ac præsumpta violenter retinere. Volentes igitur competens huic morbo remedium adhibere, hoc edicto perpetuo consultissime prohibemus, quod nullus clericus ecclesiam vel præbendam aliquam, vel beneficium ecclesiasticum, aut prouentus ipsorum, quæ ad eum de iure non pertinent, in alterius præiudicium recipere ac retinere præsummat. Qui contra fecerit, ipso facto sententiam excommunicationis incurrat; nec possit sibi de absolutionis beneficio prouidere, nisi illi, cui super ecclesia seu beneficio & fructibus eorum huiusmodi iniuriam fecit, satisfaciat competenter, & nihilo minus si per mensem in occupatione, intrusione seu violentia huiusmodi animo stete-

Concil. Tom. 28.

Nnnn

rit indurato ; beneficiis , si qua habet in aliis ecclesiis , ipso facto sit priuatus : & sit extunc inhabilis ad dignitatem aliquam , seu ecclesiam obtainendam. Et , si laicus fuerit , sententiam excommunicationis incurrat.

VII.

Ad nostrum peruenit auditum , quod nonnulli presbyteri ignari quanti terroris existat illicite tractare diuina , quæ sicut gloriam digne sumpta , sic & indigne præsumpta poenam promittunt æternam , in eadem ecclesia nulla necessitate vrgente , sed ad solum quæstum Missam celebrant bis in die ; quod detestantes omnino , sub attestatione tremendi iudicii , in quo ab eis , si contra fecerint , requiratur , hac editali constitutione singulis presbyteris inhibemus , vt nisi vnam Missam , aut duas in casibus a iure concessis , in die cantare aut legere cum sacrificii celebratione præsumant , & si secus fecerint , ordinarii arbitrio acriter puniantur.

VIII.

Sanctissimum corpus Christi , cuius dignæ venerationi fragilitas humana non sufficit , cum ad infirmos , vel ad mulieres vicinas partui extra corpus ecclesiæ deportatur , veneratione solita mandamus venerari , videlicet , vt presbyter indutus superpelliceo cum stola circa collum portet ; nisi loci distan-
tia , & temporis qualitas secus exposcat : clericus vero præcedens cum campanella & lumine tintinnando : & obuiantes , donec sacerdos transeat , genuflectant , & dicant deuote ter ad minus oratio-

ANNO CHRISTI 1287. nem dominicam cum salutatione beatæ Virginis gloriose. Nos enim tam sacerdoti quam clero deportantibus, & singulis vere pœnitentibus & confessis genuflectentibus, dummodo, ut dictum est, genuflectant, & orationem dominicam cum salutatione beatæ Virginis dicant, decem dies pro vita qualitate de iniuncta sibi pœnitentia, auctoritate qua fungimur relaxamus. Presbyter vero, qui aliter, tum occulte ipsum portare præsumperit, ordinarii arbitrio puniatur.

I X.

Licet alienationes rerum ecclesiasticarum, maxime possessionum, librorum & vasorum, quæ diuinis cultibus sunt deputata, sacri prohibeant Canones, quia tamen, ut nostris insonuit aribus, nonnulli prælati tam sæculares quam religiosi, sicut abbates & abbatissæ, & priores monasteriorum, quæ sunt per priores solita gubernari, & alii ecclesiarum rectores, nouo alienationis quæsito colore, bona ecclesiarum, quarum gubernatores existunt, fingentes se pro utilitatibus ecclesiarum suarum maximis debitibus obligatis consanguineis eorum, seu personis extraneis bona alienant huiusmodi ad vitam, vel obligant possidenda, & per hoc ipsis, qui obligantur deficitibus, successores eorum, aut propter potentiam detinentium, aut ecclesiarum inopiam, non audent ea redimere, vel non possunt, & sic pastorum nequitia ecclesiæ propriis bonis defraudantur; nos indemnitati ecclesiarum pro-

Concil. Tom. 28.

Nnnn ij

uidere volentes , ac alienationes huiusmodi edicto
perpetuo prohibentes , omnino alienantes in frau-
dem sine superiorum assensu , & aliter quam in ca-
sibus a iure permisso , bona ecclesiarum , quarum
curam gerunt , pœna Canonis puniantur.

X.

Presbyteris duas communicaturas recipere pro-
hibemus omnino : cum impossibile sit quod suffi-
cienter possit ecclesiis seruire duabus : & qui contra
fecerit , prima vicaria ipso facto , & de secunda ,
quamdiu primam retinuerit , prouentibus sit pri-
uatus , quos in utilitatem ipsius ecclesiæ decerni-
mus per ordinarium conuertendos.

X I.

Præsenti perpetuo prohibemus edicto , ne de-
cetero archiepiscopi , episcopi , abbates & abbatissæ , seu alii ecclesiarum prælati , ad quos parochialium ecclesiarum collatio , seu præsentatio perti-
net , parochiales ecclesiæ personis , quæ vice simum
quintum annum non attingunt , conferant ; vel
eas ad huiusmodi ecclesiæ repræsentent , vel repræ-
sentatum talem admittant , vel instituant in eisdem .
Si contra factum fuerit , premantur pœna illius
Canonis , Licet Canon. lib. 6.

X II.

Ecclesiarum quoque patronos , seu illos , qui no-
scuntur in ecclesiis aliquibus ius patronatus habe-
re , præsenti sanctione monemus , ut vacantibus ec-
clesiis de iure , & de facto , in quibus ius patrona-
tus obtinent , personam idoneam & ætatis legitimi-
mæ dioecesanis , seu illis , ad quos institutio in ipsis

ANNO
CHRISTI
1187. ecclesis pertinet, infra tempus statutum a iure stu-
deant præsentare. Et si per mensem vltra dictum
tempus ecclesiæ ipsas detinere præsumpserint, ipso
facto excommunicationi subiaceant: & ea vice
præsentatione huiusmodi sint priuati. Ac si supe-
rior non ecclesiæ sic vacantem infra tempus a
Canone sibi præfixum conferat, a collatione bene-
ficiorum sit per annum ipso facto priuatus. Et si
laici fuerint, & ordinarium prouidere volentem
ipsi ecclesiæ impediuerint, ipso facto sint sententia
excommunicationis innodati.

X III.

Clericos tam sacerdotes, quam religiosos etiam,
cuiuscumque sint ordinis, qui constituti erunt in
ciuitate, villa, seu castro, vel in aliquo loco qui sub-
iaceat interdicto, in obsequiis mortuorum seu pro-
cessionibus non debere cantare, aut publice cele-
brare, aut campanas ad horas pulsare, præsentis
constitutionis oraculo volumus declarari, nisi ha-
berent ex priuilegio vel indulto *.

X IV.

Nullus de cetero clericus, vel ecclesiastica per-
sona, ecclesiæ seu ecclesiasticum beneficium de
manu laici, vel alterius ad quem collatio non per-
tinet, recipiat, seu laicali fauore vel potentia sibi
existimet retinenda: & qui contra fecerit, nisi in
manu diœcesani, vel eius ad quem ecclesiæ, vel
beneficii collatio, vel institutio pertinet, libere re-
signauerit, anathematis vinculo innodetur: nec ab-
solui valeat, nisi ecclesiæ sic obtentæ de fructibus
per eum perceptis plenarie satisfiat.

Nnnn ij

X V.

Obscenam illorum abominationem præsentis
constitutionis oraculo detestantes , qui vendere
dicuntur benedictiones nubentium , & sepulturas
mortuorum , talia de cetero fieri prohibemus om-
nino ; & qui contra fecerit , cum Giezi in die
tremendi iudicii recipiat portionem. Nec per hoc
intendimus quod laudabiles consuetudines loco-
rum, seu ecclesiarum habentium coemeteria,infrin-
gi debeant, & quando possint rectores earumdem
ecclesiarum huiusmodi recipere licite , si nuben-
tes post benedictionem , & consanguinei , vel alii
pro defunctis post sepulturam aliquid offerre vo-
luerint , deuotionis intuitu , & etiam pietatis.

X VI.

Rectores , qui matrices habent ecclesias, a qui-
bus dependent capellæ , circa ipsas in tali volumus
cura versari , ut in ipsa capella, quæ subiacet curæ
suæ , si facultates suppetant , vicarium idoneum
statuant , qui residenceat continue in ecclesia , &
deseruiat in diuinis & parochianis spiritualia præbeat
alimenta. Quod si fuerint in hoc remissi , vel se
reddiderint negligentes,per ordinarios puniantur.

X VII.

Curent etiam & priores , cuiuscumque sint or-
dinis, parochialibus ecclesiis quos obtinent , pleno
iure per vicarios idoneos continue facere in diui-
nis obsequiis deseruire , & parochianis ecclesiarum
ipsarum spiritualia sollicite ministrari. Alioquin ab-
bas , seu prior , qui parochiale ecclesiam huius-
modi sine rectore per mensem dimiserit a die no-

^{ANNO CHRISTI 1287.} titiæ computando , & in ea non curauerit vicarium aut ministrum idoneum ordinare , præsentis constitutionis tenore sit extunc ab officio ipso facto suspensus , tamdiu in suspensione huiusmodi permanens , quamdiu ecclesia ipsa sine vicario seu ministratore manebit , & prouisio sive ordinatio ecclesiæ ordinarii arbitrio reseruetur .

X V I I I.

Volumus etiam , quod abbates , priores monasteriorum , quæ per priores sunt solita gubernari , vestes non habeant , quæ in forma vel colore apparent sacerdtales , ac monachos eorum intra claustra eorum retineant , nec permittant eos sine manifesta , seu iusta , ac rationabili causa frequenter in sæculo cum sacerdtales conuersari : sed secundum statuta regulæ , in qua professi sunt , studeant Dominum deseruire : & si contra fecerint , per mensem per superiorem ab officio suspendantur .

X I X.

Hanc circa monialium curam abbatissas & priorissas monasteria monialium gubernantes volumus adhibere cautelam , vt postquam monialis quindecimum annum ætatis exegerit , & post duodecimum aut quindecimum ætatis suæ annum probationem in monasterio fecerit , ultra annum professionis velum cogatur recipere , ac sibi capillos iuxta scapulas amputare ; quæ per subtractionem præbendarum abbatissæ studiose arceantur . Item sine manifesta vel rationabili causa exitus claustrorum eisdem monialibus per eam quæ regit monasterium prohibeatur omnino . Ceterum ne prætextu

inopiae ipsis detur monialibus occasio malignandi, abbatissa, iuxta facultatem & quantitatem reddituum monasterii, eis in vietu honeste prouideat & amictu, prout regula patitur earumdem. Super quo si dubietas emergerit, per ordinarium loci declaretur; & ipse ordinarius abbatissas contra facientes per administrationis priuationem coercent, vel alias, quo melius eas posse videbitur coerceri.

XX.

Dignum arbitrantes & consentaneum æquitati, ut quos iugo legis forsitan premimus ab oppressorum illicitis ausibus defendamus, & consultissima constitutione in posterum valitura sanciamus, quod nulla sæcularis vel ecclesiastica persona, quantumque nobilitate aut præminentia status præfulgeat, Christianissimo domino Romanorum rege semper Augusto, eiusdemque diuina conforme, eorumque filiis dumtaxat exceptis, ecclesias & ecclesiastica bona, iura & iurisdictiones, & vassallos eorum, violenter & auctoritate propria publice usurpare, aut occupando inuadere, vel scienter usurpare, aut occupatoribus, inuasoribus, & scienter usurpantibus ecclesias & bona prædicta præstare præsumant, quomodolibet per se, vel per alium aut alios, consilium, auxilium, vel fauorem: vel quod si aliquis contra huiusmodi nostræ constitutionis tenorem facere vel venire præsumperit, & requisitus infra mensem ecclesiæ læsæ, aut prælato ipsius damnum non emendauerit, ipso facto anathematis vinculo sit innodatus; & terræ ipsius ecclesiastico subiaceant interdicto: ac clerus

ANNO CHRISTI 1287. rus terræ offensoris huiusmodi sola denuntiatione prælati , seu cleri ecclesiæ læsæ seruet inuiolabili- ter interdictum : quod si celebrare præsumperint, quamdiu offensor huiusmodi non emendauerit quod deliquit , ipso facto a diuinis officiis se no- uerint esse suspensos. Simili modo illos qui posses- siones ecclesiasticas titulo pignoris detinent obli- gatas, a quibus iam receperint vltra sortem , si non restituant prælatis ecclesiarum quarum sunt infra dictum tempus, volumus hac poena multari.

XXI.

Laicos, quantacumque status dignitate fulgen- tes , ecclesiastica recipere beneficia , aut occupata tenere , quæ debentur militantibus in diuinis , de cetero prohibentes eos , nisi infra mensem a tem- pore occupationis inantea occupata beneficia ip- sa dimiserint , ipso facto excommunicationis vin- culo volumus esse innodatos.

XXII.

Nonnulli , qui ecclesiarum se afferunt aduoca- tos, sicut tenentur, non solum ecclesias ipsas ab op- pressoribus non defendunt , sed ecclesiarum ipsa- rum bona violenter diripiunt , ac personas ipsorum multipliciter inquietant. Et si aduocatus qua- tuor pluresve habeat filios , quod est tamen intol- erabile, omnes se reputant in direptionem bono- rum ecclesiæ aduocatos : sic quod per hoc ecclæ- siæ vnde sperant auxilium frequenter sentiunt de- trimentum ; quibus volentes salubre remedium adhibere, hac edictali constitutione sancimus, cun- ctos ecclesiarum aduocatos infra nostræ legatio-

Concil. Tom. 28.

Oooo

nis terminos constitutos , cuiuscumque sint præ-
eminentiæ status , eisdem iuribus esse contentos ;
quæ ipsis , seu eorum antecessoribus fuerint con-
cessa semper , quos aduocationi huiusmodi præ-
fecerint : & ecclesias , quarum aduocati existunt ,
defensare studeant , & manutenere pro posse ;
& solum ille , in quem omnes concordant , aut
maior pars eorum , habeatur eorum de cetero ad-
uocatus . Alioqui si negligentes in defendendo
& manutenendo personas & iura ipsarum ecclæ-
siarum fuerint remissi , vel huiusmodi aduocationis
officio eos priuatos esse volumus ipso factō : & si
quid ultra debitum ab ipsis ecclæsiis auferre , &
contra huius nostræ constitutionis tenorem ve-
nire præsumperint , nisi infra mensem ecclæsiis
ipsis restituerint quod auferunt , vel emendauerint
quod delinquunt , excommunicatos esse decerni-
mus : & ad requisitionem personarum ecclæsiæ in-
juriam passæ excommunicatos mandamus denun-
tiari omni mense .

XXXIII.

Vsurarios actus diuina & humana lege satis no-
uimus exprobratos , & contra exercentes vsuras no-
uissima constitutio Lugdunensis Concilii pœnas
statuit exquisitas , quibus addendum aliquid non
videmus . Sed quia nouo quæsito fenerandi co-
lore nonnulli sub titulo venditionis exercent v-
suras , emendo pignus pro quantitate , quæ mu-
tuo petitur , & vendendo eodem redemptionis
tempore pro quantitate adaucta numero vsura-
rum , huic fraudi sic præuidimus obuiandum ;

HONORIVS HERBIPOLENSE. RYDOLPHVS I. 659
P. IV. IMP.

^{ANNO}
^{CHRISTI}
^{1287.} quod constitutio sanctæ recordationis Gregorii
papæ decimi contra usurarios edita in Concilio
Lugdunensi in singulis cathedralibus & collegia-
tis ecclesiis , vna cum præsentibus constitutioni-
bus nostris publicentur , statim lecto euangelio se-
mel in anno in quadragesima publice coram po-
pulo , & tunc feneratores huiusmodi , & alios qui
contra tenorem huiusmodi Concilii Lugdunen-
sis exercent usurpas , & retinentes eos in domibus
propriis excommunicati nominatim publice nun-
tientur. Quod si ecclesiarum prælati in huius pu-
blicatione , quam per seipso & alios facere de-
bent , negligentes fuerint vel remissi ; & in dicto
tempore publicatio ipsa non fiat ; eos æterni mit-
timus iudicis ultioni. Et si usurarius diem claudit
extremum , qui occulte usurpas exercuit , & trium
aut duorum testium fide dignorum testimonio
constiterit exercuisse usurpas ; nisi pro eo satisfa-
ctum fuerit de receptis usurpis , nullus ipsum recipiat
ad ecclesiasticam sepulturam. Alioqui si con-
tra factum fuerit , præter poenam latam in Lug-
dunensi Concilio contra tales , volumus ut lo-
cus seu ecclesia , in cuius coemeterio de volunta-
te prælati seu capituli sepulta fuerint corpora ta-
lium , ipso facto ecclesiastico subiaceant interdi-
cto , quamdiu eadem corpora per eos non fue-
rint exhumata.

Eos qui Dei timore postposito clericos seu ec-
clesiasticas personas occidunt , vulnerant , mutilant ,
proscribunt , capiunt , & captas retinere præsu-

Concil. Tom. 28.

Oooo ij

munt , & si sententiam , quam incurunt , latam a
Canone non verentur , adiectione huiusmodi pœ-
næ volumus coercere , videlicet quod prælati vel
rectores ecclesiarum , in quibus captiuantes & de-
tinentes ipsi degunt , & captiuati clerici capiun-
tur , & captiui tenentur , ipsos captiuantes , & ca-
ptiuos detinentes excommunicatos denuntient
publice singulis diebus dominicis & festiuis , nisi
postquam requisiti fuerint , eos infra octo dies di-
miserint , & in locis , vbi capti clerici & personæ
ecclesiasticæ tenentur , tamdiu scientes cessent a
diuinis , quamdiu in locis ipsis fuerint sic captiui:
quod si contra fecerint , tamquam eorumdem ma-
leficorum participes excommunicatos esse volu-
mus ipso factō ; saluis aliis quæ contra tales sunt in
Conciliis prouincialibus constituta.

XXV.

Si quis in tanti prorupit furoris audaciam , quod
nuntios legatorum apostolicæ sedis de latere mis-
forum ab ipsa , seu archiepiscoporum aut episco-
porum , aut delegatorum capere vel verberare ,
ac eos spoliare , seu literas auferre , aut dilaniare ,
aut alias eos in iurisdictione eis commissa per se ,
vel per alios , aut alium , publice vel occulte , vel
quomodolibet impedire præsumperit , ipso factō
sint excommunicationis sententia innodati . Eam-
dem pœnam nihilo minus contrahere volumus ,
qui venientes ad curiam eorumdem , & abinde
redeuntes eos in personis offenderint , vel eos bo-
nis eorum quæ secum habuerint occulte vel pu-
blice spolarint .

ANNO
CHRISTI
1287.

HONORIVS P. IV. HERBIPOLENSE. RYDOLPHVS I. IMP. 661

XXVI.

Nonnulli afflictis ecclesiis, quæ vacationis laborant incommodo, non verentes afflictionem addere, bona earumdem ecclesiarum diripere ac occupare nituntur. Ex quo graue ipsis ecclesiis in rebus earum prouenit detrimentum. Nos super hoc vacantibus ecclesiis prouidere volentes, eos, qui vacantium ecclesiarum & decedentium clericorum bona immobilia seu mobilia de cetero usurpabunt, aut vñibus propriis deputabunt, excommunicatos esse volumus ipso facto.

XXVII.

Curent archiepiscopi & episcopi commissas eis prouincias omni sollicitudine ab insidiis inimici humani generis; & qui circuit quærens quem deuoret, per se vel alios custodire. Et quia ob defetum visitationis multos mares & mulieres quasi sexagenarios inuenimus, nondum vñctione chrismatis confirmatos, præsentis constitutionis tenore sancimus, vt singuli archiepiscopi, & episcopi, ciuitates & diœceses suas per se, vel per alium, aut alios, anno quolibet, vel ad minus de biennio in biennium, visitare studeant, confirmingo confirmandos, & corrigendo quæ sunt corrigenda.

XXVIII.

Nonnullos, qui guerras habent vel inimicitias cum aliquibus ecclesiis sibi vicinis, campanilia siue domos ipsarum occupare audimus, ac armatis & ædificiis ad pugnandum incastellare præter prælatorum assensum; & in vltiones contra votum, & propter hoc inimici eorum incastellationes & muni-

Oooo iii

tiones huiusmodi occupare volentes , ecclesias plerumque occupant & comburunt ; quod omnino prohibere volentes , præsentis constitutionis tenore , omnes , qui de cetero ecclesias , seu domos , & campanilia ecclesiarum occupare , incastellare , aut munire personis armatis , vel quibuslibet ædificiis præsumperint , sub poena excommunicationis , quam in eos per superiores fieri volumus , hoc editio perpetuo monemus , ne contra assensum prælatorum audeant ecclesias munitionibus & incastellationibus huiusmodi molestare , & heredes eorum , si in huiusmodi paternæ violentiæ participes fuerint , eadem cum parentibus volumus poena mulctari .

X X I X .

Nonnulli , sicut audiimus , pro maritorum seu filiorum debitis vxores seu matres excommunicant ordinaria fulti iurisdictione ; quod iuri & æquitati contrarium reputantes , id fieri de cetero prohibemus , nisi mater & vxor succedant in bonis mariti , seu filii defunctorum .

X X X .

Spoliatores stratarum , & raptoreis alios , qui transeuntes per vias aut stratas publicas , viduas , pupillos , & personas alias , eorum bona vi spoliant , eorum violentias , quæ perturbationem desiderandæ pacis inducunt , volentes de cetero coerceri , præter poenas , quas eis sacratissimæ leges imponunt , tali volumus , nostro feriente correctionis gladio , poena mulctari , vt tam ipsi , quam receptantes eos scienter , & dantes eis auxilium vel fauorem , ipso facto nodo anathematis sint innodati .

X X X I.

Ementes bona feudalia, quæ ad ecclesiæ seu personas ecclesiasticas ecclesiarum nomine de iure directi dominii pertinent, ac vendentes, cum ea sine consensu ecclesiarum & personarum huiusmodi alienari nequeant ecclesiarum, indemnitatibus prouidendo, tali volumus poena mulctari, vt ementes & alienantes laici vel clerici, siue sint religiosi, vel clerici sacerdtales, qui sine consensu eorum, qui super hoc requirendi sunt, huiusmodi bona feudalia emerint vel alienauerint, ipso facto excommunicationi subiaceant, & bona ipsa ecclesiæ, ad quas directum dominium pertinet, applicentur.

X X X I I.

Prohibemus insuper, vt nullus propter debitum, vel fideiussoriatus obligationem, singularis personæ alicuius, vel ecclesiæ bona ecclesiastica capiat, quæ ad ecclesiam vel capitulum ipsius ecclesiæ communiter pertinent; & qui contra fecerint, nisi moniti infra quindenam a die notificationis numerandam restituerint ecclesiæ vel capitulo, ad quos pertinent, excommunicationi subiacere volumus ipso facto.

X X X I I I.

Nullus de cetero, qui cum aduocatis ecclesiæ guerras habebit, vel inimicitias, bona ecclesiarum, quibus aduocati defensores existunt, praetextu guerræ, quam habet cum eis, subripiat aut ecclesiæ ipsas, vel villas earum, & loca incendio vel hostilitate deuastet, aut homines earum spoliat bonis eorum. Et qui contra fecerint, ipso fa-

664 HONORIVS CONCILIVM RUDOLPHVS I.
P. IV. IMP.

Et excommunicationem incurant, nec absolui
valeant, nisi quod deliquerunt emendent.

XXXIV.

Leccatores seu reprobatos apostolos in eorum
reprobata regula remanere vetantes omnino, volu-
mus quod nullus clericus, nulla sacerdotalis persona,
intuitu religionis eorum, ac insolito habitu, eos de-
cetero recipiat, aut eis alimenta ministret. Et qui
contra fecerit, arbitrio sui ordinarii puniatur.
Quod & in vagis scholasticis tractandis obseruari
volumus: & quod clericali priuilegio coram sacer-
tali iudice nequeant se tueri.

XXXV.

Laicos in nonnullis partibus praetextu fabricæ
ecclesiæ reparandæ per laicos sine consensu præla-
torum, seu capitulorum ecclesiæ huiusmodi
ad recipiendum oblationes, seu prouentus alias
concessos fabricæ deputatos, præsentis constitu-
tionis tenore huiusmodi officio exnunc esse volu-
mus priuatos, & alios laicos, vel clericos, siue
prælati, seu capituli ecclesiæ reparandarum af-
fensi, prohibemus in posterum ordinari. Cum ex
priuilegio, vel ex longinqua consuetudine appro-
bata, vituperosum existat, ut laici prælati & capi-
tulis ecclesiæ inuitis bona ecclesiæ admini-
strent. Ideoque qui contra fecerint, ac per ordi-
narium loci moniti infra mensem ab hoc officio
non cessabunt, eos excommunicatos esse volumus
ipso facto.

XXXVI.

Personas omnes, quacumque dignitate & status
præ-

HONORIVS P.IV. HERBIPOLENSE. RYDOLPHVS I. 665
IMP.

ANNO CHRISTI 1287. præminentia præfulgentes, vniuersitates ciuitatum & locorum, ac consules eorumdem, qui, vt nullus conqueratur, coram ecclesiastico iudice prohibent, ac statuta condunt contra clerum seu clericos, & ecclesiasticam libertatem: hæc edicto perpetuo tali poena volumus puniri, videlicet, quod personæ talia de cetero committentes modo quolibet excommunicationis, & vniuersitates interdicti subeant sententias ipso facto.

XXXVII.

Falsarios literarum, seu bullæ summorum pontificum, monetarum, aut literarum, vel sigilli eorum, excommunicantes in scriptis eos qui scienter receptauerint, aut eis præstiterint, quo minus capiantur, auxilium, consilium vel fauorem, publicum vel occultum, præsentis constitutionis tenore ipso facto excommunicationis esse volumus vinculo innodatos.

XXXVIII.

Quotiens ex iusta causa episcopus locum aliquem ecclesiastico supposuit interdicto, id obseruent, & obseruari faciant alii episcopi conuicini, vt inter se compatientes mutua caritate adiuicem in tuitionibus ecclesiarum, earumque iurium alter alteri alternis subsidiis suffragetur.

XXXIX.

Conseruatores, qui personis religiosis & monasteriis maxime dari consueuerunt, exemptis per summum pontificem, aut legatos eius missos a latere, sub certa forma, cum additione illa, videlicet attentius prouisurus, vt eis & de his, quæ causæ cognitionem exigunt, & quæ indulta huiusmodi

Concil. Tom. 28.

PPPP

non attingunt, se nullatenus intromittant. Ipse
enim summus pontifex, si secus præsumptum fue-
rit, tam literas super hoc datas, quam processus ea-
rum auctoritate habitos, omnino carere iuribus, &
nullius firmitatis esse docuerint a tenore literarum
huiusmodi deuiantes personas, quas illi, quibus
conseruatores huius conceduntur, conuenire vo-
lunt, ad suam citant præsentiam, quantacumque
distantia sint longinqui. Quia eosdem conseruato-
res non posse etiam citatos ad eorum venire præ-
sentiam non teneri, processusque eorum contra ci-
tatos tales faciendo nullius esse momenti, præsen-
tis constitutionis serie declaramus.

X L.

Cum imponentes & exigentes noua passagia,
vel antiqua seu concessa augmentantes, singulis an-
nis summus pontifex in cœna Domini anathema-
tis vinculo denuntiet subiacere, statuimus ut or-
dinarii locorum per se vel per suos vicarios singu-
lis annis in cœna Domini solenniter coram popu-
lo eosdem, siue sint archiepiscopi, siue episcopi, seu
abbates, aut alii inferiores prælati, aut laici, seu sæ-
culares personæ, quocumque nomine censeantur,
pulsatis campanis, & candelis accensis, excommu-
nicatos denuntient, usque ad integrum restitutio-
nem, tamquam excommunicatos ab omnibus eui-
tandos.

X L I.

Has nostras constitutiones in hoc sacro Con-
cilio promulgatas in singulis cathedralibus ecclesiis
in nostræ legationis termino constitutis sub sigillo
nostro haberi volumus & publicari, prout superius

ANNO CHRISTI 1287. legitur, omni anno, & vt his nostris constitutio-
nibus adhibeatur in perpetuum plena fides, eas
appensione nostri sigilli fecimus communiri.

Aetum Heripoli anno Domini millesimo ducentesi-
mo octuagesimo septimo, mensē Martii, feria tertia post
Lætare Ierusalem, pontificatus domini Honorii papæ IV.
anno secundo.

XLI.

Hactenus, sicut & hodie fieri dicitur, nonnulli tam clerici quam saeculares, quibus erat & extitit indultum ex indulgentia summorum pontificum, quod interdici, suspendi, vel excommunicari, & quod terrae ipsorum non possint subiici ecclesiastico interdicto, huius priuilegio abutentes, multam nocendi & abutendi assumebant, & tamquam eis sit licitum, assumunt audaciam & materiam delinquendi: sanctæ recordationis Alexander papa IV. & Clemens papa IV. volentes super hoc salubriter prouidere, quia per hoc ordinatorum iurisdictio elidebatur, & condemnabantur a talibus omnia huiusmodi apostolica indulta, quibuscumque personis concessa, inquantum per ea ordinatorum iurisdictio impeditur, restringitur, vel arrestatur, totaliter reuocarunt: ita quod iidem ordinarii in personis & terris ipsis regibus & reginis, quantum ad regna sua tantum, & regnis ipsis, nec non & regum ipsorum filiis & fratribus, ac eorum vxoribus, & eorum filiorum, fratrum & vxorum terris exceptis, iurisdictionem suam, talibus indulitis nequaquam obstantibus, valeant, prout ad eos pertinet, exercere. Nos itaque praesentis constitu-

Concil. Tom. 28.

Pppp ij

668 HONORIVS C. HERBIPOLENSE. RUDOLPHVS I.
P. IV. IMP.

tionis oraculo reuocationem huiusmodi, prout in
eorumdem pontificum literis, quas in Herbipo-
lensi Concilio publice legi fecimus, plenius conti-
netur, volumus inuiolabiliter obseruari, & declar-
amus eorumdem priuilegiorum auctoritate ordina-
riorum iurisdictionem minime impediri.

N O T A.

* *Concilium.*] Chronicon Hirsaugiense anno 1283. res in hac Syno-
do gestas continet his verbis: *Eodem anno Martinus papa IV. legatum de latere misit in Alemanniam episcopum Tusculanum: qui veniens ad Heripolim in praesentia Rudolphi regis Romanorum, & multorum principum, episcoporum, abbatum, ducum, comitum atque nobilium, Concilium celebravit: ubi inter alia legatus ipse nomine papa contributionem decimi denarii a clero, & rex ab uniuerso populo imperii, instantissime exigere coepérunt, multis principibus in eorum sententiam consentientibus. Siffridus autem archiepiscopus Coloniensis & Henricus archiepiscopus Treuirorum, contra insolitam ac nimis grauem exactionem se fortiter opposentes, negotium penitus reuocarunt.* Hæc Trithemius in predicto chronicô Hirsaugensi. Eiusdem Concilii meminit Eberhardus in suis annalibus anno 1290. his verbis: *Rodulphus rex apud Heripolem solennem curiam habuit cum principibus Alemannie. Et eodem tempore Ioannes Tusculanus episcopus, apostolice sedis legatus, ibidem celebravit Concilium: & quod multa onera & graues expensas volebat clero imponere, a quibusdam episcopis aduersus eum extitit ad sedem apostolicam appellatum, & propter hoc sua intentio & consilium desideratum ab eo eventum non habuit, & ipse subito ad propria est reuersus.* Intellexerat enim prius aliis de morte domini pape Honorii; qui prius dicebatur Jacobus de Sabello, cui succedit frater Hieronymus de ordine fratrum Minorum, & vocatus est Nicolaus. Hæc de Herbipolensi Concilio Eberhardus. In tempore Trithemius, Siffridus & Eberhardus discrepant. Lectionem Eberhardi, quam habet manuscriptus, quamque approbat Siffridus, sestandam putauit.

SEDES VACANS.